



# ALTA CONNECTIONS

Tsab Ntawv Xov Xwm Luam Tawm Ib Xyoo Plaub Zaug Coj Los Qhia Cov Neeg Peb Pab, Cov Neeg los sis Chaw Npaj Cov Kev Pab, thiab Cov Neeg Ua Hauj Lwm Rau Alta



Lus qhia ntxiv txog peb  
**tus kws kos duab**  
**Stephanie Dardon** nyob  
ntawm phab 10

## TUS NEEG SAIB XYUAS KEV KHIAV HAUJ LWM COV LUS TSHAJ XO

*Tus Neeg Saib Xyuas Kev Khiav Hauj Lwm Lori Banales*

Nyob Zoo Rau Lub Caij Nplood Ntoos Zeeg Nrog lub caij nyoog uas pauv zuj zus, nws yeej muaj ntau yam rau peb ua kev zoo siab thaum peb txais tos tag nrho cov cib fim uas lub sij hawm hauv peb lub hlis ntawm no muaj rau peb cov neeg nyob hauv lub chaw regional center. Nyob hauv ob peb tsab ntawv xov xwm tag los no, peb tau muab ib qhov ntawm Plaub Yam uas muaj nyob hauv peb lub chaw tuav dej num Txoj Kev Npaj Los Khiav Hauj Lwm coj los piav qhia rau sawv daws paub. Nyob hauv tsab xov xwm ntawm no, peb yuav mus tham txog Cov Neeg Peb Pab thiab Kev Pab Rau Tsev Neeg. Qhov peb yuav muab coj los tham ntawm no yog hais txog tej yam uas cov neeg peb pab thiab cov yim neeg yuav tsum tau siv thiab xav siv kom lawv mus siv tau cov kev pab thiab kev txhawb zoo li qhov uas yuav zoo rau lawv. Los ntawm qhov nyiaj uas peb tau txais ib zaug, peb lub chaw regional center twb daws tau cov teeb meem ntawm kev txhais lus, ntawm cov sij hawm mus pab tib neeg uas txawv lub sij hawm ib txwm mus thiab muaj khoom pub ua kev zoo siab nyob rau tej thaj chaw los mus ua kom muaj cib fim ntau ntxiv rau peb cov yim neeg Early Start uas tau muaj teeb meem mus siv kev pab. Peb yeej mloog ntsoov cov neeg siv peb cov kev pab cuam kom peb paub hais tias saib peb sib zog thiab pib khiav hauj lwm rau qhov twg. Ntxiv rau qhov ntawd, peb yeej tseem muaj kev tshaj tawm txog DSP Txoj Kev Koom Tes uas muaj nyob ntawm Valley Mountain Regional Center (VMRC) thiab Alta California Regional Center (ACRC). Qhov kev koom tes ntawm no yog qhov uas peb yuav muab siv coj los ua kom muaj Cov Neeg Mus Pab Tib Neeg Ncaj Qha (Direct Support Professionals (DSPs)) coob.

### MUJ DAB TSI NYOB HAUV TSAB NTAWV XOV XWM NTAWM NO:

- LUS TSHAJ XO LOS NTAWM TUS NEEG SAIB XYUAS KEV KHIAV HAUJ LWM
- LUB LIM PIAM LOS UA COV NEEG DSP (COV NEEG MUS PAB TIB NEEG NCAJ QHA) TSAUG
- LUS QHIA TXOG COV NEEG DSP (COV NEEG MUS PAB TIB NEEG NCAJ QHA)
- LUS QHIA TXOG IB TUS NEEG UA HAUJ LWM
- HNUB YUG NTAWM COV NEEG UAS PEB PAB
- KEV MUJ NEEG PAB TUS NEEG TXIAV TXIM
- KEV SIB SAU NYOB NTAWM SIERRA COLLEGE RAU KEV NRHIAV HAUJ LWM
- KEV MUS TSHAJ HAUV ZEJ ZOS KOM NEEG PAUB
- KEV PAB RAU LUB ROOJ SIB THAM TXOG KEV UA NEEG NYOB
- KEV QHIA TXOG TEJ YAM TSHIAB NTAWM COV KEV PAB UAS MUJ NYOB HAUV LUB ZEJ ZOS
- LUS PIAV QHIA TXOG IB TUS KWS KOS DUAB UAS PEB TAU XAIV COJ LOS QHIA RAU SAWV DAWS


# TUS NEEG SAIB XYUAS KEV KHIAV HAUJ LWM COV LUS TSHAJ XO - TXUAS NTXIV

*Tus Neeg Saib Xyuas Kev Khiav Hauj Lwm - Lori Banales*

Yuav kom muaj kev mus siv tau cov kev pab thiab yuav kom muaj cov kev pab rau cov neeg uas peb pab thiab lawv tsev neeg, peb yuav tsum muaj neeg ua hauj lwm. Peb yeej sib zog ua txhua yam zoo li qhov peb yuav ua tau coj los pab cov neeg ua hauj lwm kom lawv thiab li yuav pab tau nej! ACRC zoo siab heev rau qhov uas tus Tswv Xeev tau pom hais tias txoj hauj lwm thiab txoj kev mob siab khiav hauj lwm los mus pab cov tib neeg uas lawv muaj Teeb Meem Rau Txoj Kev Txawj Ntse thiab Kev Loj Hlob yeej yog ib cov hauj lwm tseem ceeb. Nws yeej muaj ntau ntau tus tib neeg uas peb yuav muab coj los piav qhia kom sawv daws paub thiab coj los qhuas thiab thaum koj nyeem mus ntxiv, peb cia siab hais tias koj yuav nyiam nyeem cov lus hais txog ob peb tus neeg ntawm cov neeg no. Lawv yog cov neeg sawv cev los qhia hais tias txhua yam ntawm peb txoj kev pab tib neeg yeej yog ib qhov zoo. Peb paub hais tias txoj kev ua kom muaj neeg ua hauj lwm coob yeej yuav tsis yog ib yam uas peb yuav ua tau tiav nyob hauv ib hmo xwb. Peb txoj kev sib zog rau qhov ntawm no yeej tsis yog ib yam uas peb xav hais tias peb yuav ua tau tiav sai. Peb tab tom tsim cov tswv yim uas yuav pab peb khiav tau hauj lwm ntev ntev mus. Peb yeej paub hais tias coob tus neeg uas peb pab yeej tseem tsis tau txais kev pab ntau txog li thaum ua ntej muaj kab mob sib kis loj thiab peb thov ua nej tsaug rau nej txoj kev ua lub siab ntev thiab txoj kev nkag siab thaum peb tseem muab peb txoj kev pab tib neeg coj los xav saib peb yuav li cas. Kev thauj neeg mus los yeej ib yog ib qhov tseem ceeb ntawm qhov teeb meem ntawm no. Thaum Lub Kaum Hli, Tim 1, peb tau pauv mus siv ib lub chaw thauj neeg mus los, R & D Transportation, coj los pab ACRC ua kom muaj cov kev khiav thauj neeg ntau thiab thauj tau zoo uas yuav muaj kev thauj tau neeg coob ntxiv.

ACRC los kuj tseem muaj ua kev zoo siab rau lub hli uas Nco Txog Neeg Caj Ceg Mev. Peb yeej tau tawm mus rau hauv lub zej zos mus koom cov kev sib sau ua kev nquam paj nquam nruas thiab cov cib fim rau kev tshaj tawm kom neeg paub. Lub hlis no, ACRC yeej zoo siab los pab thiab tshaj tawm kom neeg paub txog qhov kev sib sau Conferencia 2023, Aprendiendo Juntos uas yuav muaj rau thaum Lub Kaum Hli, Tim 28 nyob ntawm UC Davis MIND Institute. Cov yim neeg uas lawv xav mus koom lub rooj sib tham hais lus Mev ntawm no, lawv yuav tsum tau nug mus rau lawv tus neeg saib xyuas kev pab yog lawv xav thov kom lub chaw regional center them tus nqi ntawm kev muab npe mus koom. Nws yeej muaj ntau yam dej num ntxiv nyob hauv lub zej zos thiab peb zoo siab hais tias peb twb muaj ib phab ntawv qhia hnuv uas muaj cov kev sib sau ntawm no nyob hauv peb lub vas sab lawm. Ua tsaug rau koj txoj kev koom tes. Qhov peb koom tes yeej yog qhov zoo dua thiab nws yuav ua rau peb mob siab los mus pab tib neeg.

## TXOJ KEV NPAJ COJ LOS KHIAV HAUJ LWM YEEJ YOG NPAJ RAU KEV PAB RAU COV NEEG PEB PAB THIAB RAU TSEV NEEG




### Cov lus txhais hais txog qhov uas peb npaj los khiav hauj lwm rau:

Lub chaw regional center yuav nrhiav saib puas muaj cov kev pab thiab kev txhawb uas yuav pauv tau yooj yim thiab yuav muab tsev neeg coj los saib ua qhov tseem ceeb sub cov tib neeg uas muaj teeb meem rau txoj kev txawj ntse/kev loj hlob thiab li yuav nyob tau hauv tsev mus ntxiv thiab peb thiab yuav pab tau lawv zoo li qhov uas yuav zoo rau lawv.

### Tswv yim los ntawm lub zej zos:

- Cov yim neeg yeej xav tau kev pab los mus nrhiav cov kev pab uas muaj nyob hauv lub zej zos.
- Cov yim neeg yeej xav nrhiav kom tau cov tib neeg uas lawv ntseeg siab thiab cov neeg ntawd yeej nkag siab lawv yam lus thiab kab lis kev cai coj los pab lawv.
- Txoj kev ua kom muaj neeg uas yog neeg sawv ntau yam kab lis kev cai thiab hais tau ntau yam lus nyiam ua yam hauj lwm mus pab tib neeg ncaj qha thiab kom lawv tsis txhob tawm hauj lwm yeej yog ib qhov teeb meem uas muaj loj zuj zus ntxiv.
- Cov yim neeg yeej xav tau cov kev pab uas yuav muaj kev pauv tau yooj yim thiab yuav pab tau lawv tsevneeg.

# LUB LIM PIAM LOS NCO TXOG COV NEEG UAS LAWV MUS PAB TIB NEEG NCAJ QHA



Lub Cuaj Hli, Tim 10-16, 2023 yog Lub Lim Piam Los Nco Txog Cov Neeg Uas Lawv Mus Pab Tib Neeg Ncaj Qha. ACRC tau muab cov dab neeg thiab duab ntawm Cov Neeg Uas Lawv Mus Pab Tib Neeg Ncaj Qha ntawm peb cov neeg mus pab tib neeg coj los sib qhia ua kev zoo siab. Tswv Xeev Newsom tau hais tias, "Cov Neeg Uas Lawv Mus Pab Tib Neeg Ncaj Qha yog lob plawv ntawm cov kev pab rau cov neeg xiam oob qhab," thiab ACRC los yeej xav zoo ib yam li qhov nws hais ntawd. Nws tau tham ntxiv txog cov hauj lwm uas Lub Chaw Tuav Dej Num Saib Xyuas Cov Kev Pab Uas Muaj Rau Cov Neeg Muaj Teeb Meem Rau Txoj Kev Loj Hlob tau nqis peev coj los ua kom muaj neeg ua cov hauj lwm mus pab cov neeg xiam oob qhab.

## LUB CHAW TUAV DEJ NUM SAIB XYUAS COV KEV PAB UAS MUAJ RAU COV NEEG MUAJ TEEB MEEM RAU TXOJ KEV LOJ HLOB COV QAUV RAU KEV UA KOM MUAJ NEEG UA HAUJ LWM

Neeg yuav mus nrhiav tau DDS Cov Qauv Rau Kev Ua Kom Muaj Neeg Ua Hauj Lwm nyob ntawm: <https://www.dds.ca.gov/initiatives/workforce-initiatives>.



- Lub **Chaw Regional Center Qhov Kev Pab Nyiaj Kawm Ntawv Rau Cov Neeg Ua Hauj Lwm** yeej pab muab nyiaj them nqi kawm ntawv rau regional center cov neeg ua hauj lwm uas tsim nyog tau thiab yeej yog npaj coj los pab lub chaw regional center cov kev pab uas cov neeg yuav siv los ntawm txoj kev ua kom cov neeg ua hauj lwm muaj txuj ci ntxiv thiab cov kev ua kom tau hauj lwm zoo ntxiv thiab txoj kev ua kom cov neeg ua hauj lwm rau cov chaw regional centers tsis txhob tawm hauj lwm.
- Qhov **Kev Pab Nyiaj Kawm Hauj Lwm Rau Cov Neeg DSP** yeej pab nyiaj rau cov neeg DSPs uas lawv mus kawm hauj lwm thiab cov kev kawm kom paub hauj lwm zoo ntxiv.
- Qhov **Kev Them Nyiaj Ua Hauj Lwm Txawv Rau Cov Neeg Ua Hauj Lwm Uas Hais Tau Ob/Ntau Yam Lus** yeej them ib qhov nyiaj ua hauj lwm txawv rau cov neeg DSPs uas lawv yeej siv ib yam lus los sis ib txoj kev txuas lus tsis yog lus Askiv coj los nrog cov tib neeg los sis cov yim neeg sib txuas lus.
- Qhov **Kev Mus Xyaum Hauj Lwm Rau Cov Neeg DSP** yeej npaj muaj ib qhov kev xyaum hauj lwm ntev txog li peb hlub hlis thiab yeej muaj qhov kev xyaum hauj lwm uas ib txwm muaj thiab kev xyaum cov hauj lwm uas yuav tau ua rau cov neeg DSPs tshiab uas nyuam qhuav tuaj pib ua cov hauj mus pab tib neeg.
- Qhov **Kev Mus Kawm Tsev Kawm Qib Siab Plaub Xyoos Rau Cov Neeg DSP** yeej yog ib qhov kev pab cuam uas muaj peb them, uas yog ib qhov kev xyaum kom paub ua hauj lwm thiab kom muaj ntawv pov thawj hais tias paub txoj hauj lwm rau cov neeg DSPs thiab yeej yog tsim los ua kom cov neeg DSPs muaj kev xyaum hauj lwm. Kev kawm tiav txhua txhua ib them twg yeej muaj kev tau nyiaj ua hauj lwm raws li them ntawd.
- Qhov kev pab cuam **Technology Pilot** yuav nrhiav kev siv khoom technology, thaum txiav txim los mus siv thiab muaj kev nyab xeeb, coj los pab cov tib neeg uas lawv muaj teeb meem rau ntawm kev txawj ntse thiab kev loj hlob (I/DD). DDS yuav ntsuas saib qhov kev siv khoom technology txo tau txoj kev yuav tau mus pab ib tus tib neeg tim ntsej tim muag ntau npaum li cas, yuav pab tau txoj kev mus siv cov kev pab uas muaj neeg hais tau ob yam lus ntau npaum li cas, thiab yuav npaj tau cov kev pab zoo li cas rau cov tib neeg muaj teeb meem rau ntawm I/DD uas yuav ua rau lawv nyob tau lawv tus kheej ntau ntxiv.



# MUAJ KEV QHUAS PEB COV NEEG UA HAUJ LWM UAS LAWV MUS PAB TIB NEEG NCAJ QHA

Thaum peb ua kev zoo siab rau Lub Lim Piam Nco Txog Cov Neeg Uas Lawv Mus Pab Tib Neeg Ncaj Qha, peb tau muab ntau cov duab coj mus tso rau hauv peb cov as khauj siv social media ntawm cov neeg DSPs uas peb cov neeg npaj kev pab tau xaiv. Mus saib ib cov tib neeg uas mob siab, sib zog ua hauj lwm, thiab tau txais lus qhuas los ntawm cov tuam txhab uas lawv ua hauj lwm rau.



Shanina Johnson



Rayna Dougherty



Roshanna Pellini



Michael Smoot



Michelle Pratt



Brianna Walker




Cassandra Gauna



Michael Thygesen




Dawn Witt




Dakota Medina



Maple Avery



Virginia Daley



Susan Bailey



Lub Tsev Charles  
Sherman I & II



# LUS QHIA TXOG IB TUS NEEG UA HAUJ LWM - TUS COJ NTAWM COV NEEG SAIB XYUAS COV KEV PAB NYOB HAUJ LUB ZEJ ZOS JASON SCANTLEBURY

Kuv yug nyob San Jose, CA tiam sis loj hlob nyob ntawm Cov Taw Roob ntawm Rocklin thiab Newcastle, CA. Kuv txiv yog NBA ib tus qub kws ua kis las basketball uas tau tuav ib txoj hauj lwm ua neeg muag khoom thiab kuv niam yog ib tus qub neeg ua qauv (model) uas tau ua ib tus xib hwb qhia ntawv rau cov me nyuam kawm qib Kindergarten. Kuv muaj ib tus muam, uas nws hlob kuv 8 xyoo.

Kuv kawm tiav tsev kawm ntawv qib siab hauv xyoo 2001 uas yog kawm tau ib daim ntawv pov thawj rau phab Mass Communications (Kev Txuas Lus Dav). Kuv pib kuv txoj hauj lwm ua Tus Coj Cov Neeg Ua Hauj Lwm nyob ntawm ib cov tsev nyob rau Theem 14 rau cov ntxhais hluas uas muaj teeb meem loj rau ntawm txoj kev xav. Ob xyoos tom qab ntawd, kuv tau hloov mus ua ib tus neeg saib xyuas ib cov tsev nyob rau Theem 12 rau cov tub hluas tau ntev li ob xyoos.

Thaum xyoo 2005, kuv tau pib kuv txoj hauj lwm ua tus Thawj Coj ntawm cov tsev ICF/DDN los mus khiav hauj lwm pab cov neeg laus uas lawv yog neeg xiam oob qhab. Tom qab kuv tuav txoj hauj lwm ntawd tau 6 xyoo, kuv tau pauv mus ua Ib Tus Kws Saib Xyuas Cov Kev Pab Nyob Hauv Lub Zej Zos rau ib lub chaw hu ua Supported Living Services tau ntev li 5 xyoos. Kuv txoj hauj lwm nyob ntawm Alta Regional Center yog pib thaum xyoo 2016. Kuv thawj txoj hauj lwm yog ua ib Tus Neeg Saib Xyuas Cov Kev Pab uas kuv ua tau ntev li plaub xyoos ces kuv mam li pauv mus ua hauj lwm rau ntawm lub Chaw Tuav Dej Num Saib Cov Kev Pab Nyob Hauv Lub Zej Zos (Community Services Department) thaum xyoo 2020 yuav tag uas yog ua ib Tus Neeg Khiav Hauj Lwm Tshwj Xeeb. Kuv pib ua txoj hauj lwm ua tus LEAD nyob rau Lub Ob Hlis ntawm xyoo 2023.

Kuv yog ib tus neeg nyiam khiav thaum kuv tsis ua hauj lwm thiab kuv twb mus koom cov kev sib tw khiav deb (marathons) yav tag los li ntawm 12 zaug lawm. Kuv yeej yog ib tus neeg ib txwm nyiam yeeb yaj kiab thiab suab paj nruas nrog rau tej kab lis kev cai ntawm cov kev hu nkauj hu ua pob culture. Kuv muaj ob tus miv, Lana thiab Lola.



## NYOB ZOO HNUB YUG 90 RAU EARLINE GORDON

Earline muaj 90 xyoo rau thaum Lub Xya Hli, Tim 17 thiab nws tsev neeg nrog nws cov phooj ywg thiab lub chaw Vivsik Care Home tau muaj qhov kev sib sau los ua kev zoo siab rau nws nyob rau tib lub lim piam ntawd. Earline xav kom cov khoom dai kom zoo nkauj nyob rau ntawm qhov kev sib sau yog npauj npaim thiab yog cov xim nphob me ntsis vim nws yeej nyiam cov khoom uas qab zib los sis ntxim nyiam thiab cov khoom muaj kev hlub. Nyob ntawm nws qhov kev sib sau los ua kev zoo siab, nws yeej tau noj ib lub ncuav qab zib uas yog siv ice cream coj los ua thiab cov khoom noj uas qab. Tom qab ntawd, sawv daws tau los nyob ua ke yees ib cov duab thiab hu nkauj karaoke.

Tus yuam sij rau Earline txoj kev noj qab nyob zoo thaum nws muaj hnuv nyoog siab lawm yeej yog txoj kev xav txog qhov zoo, txoj kev ib txwm xav hais tias tseem yog ib tus neeg hluas, thiab txoj kev saib xyuas zoo uas nws tau los ntawm Vivsiks Care Home nyob hauv 15 lub xyoos tag los rau tam sim no. Nws yog lub hnuv ci hauv tsev tu thiab yog tus neeg uas ua rau txhua tus neeg nyob ib ncig ntawm nws nyob luag ntxhi.



Rau nws lub hnuv yug tom ntej, Earline xav hnav ib daim tiab tshiab thiab xav kom muaj ib qhov kev sib sau los ua kev zoo siab uas muaj Disney cov ntxhais huab tais thiab Mickey Mouse. Nws yeej tos ntsoov hais tias nws yuav muaj ntau xyoo nyob uas yuav muaj qhov zoo nkauj thiab yuav muaj kev zoo siab!





## LUS KHO DUA TSHIAB HAIS TXOG KEV MUAJ NEEG PAB TUS NEEG TXIAV TXIM ROBIN BLACK ACRC TUS NEEG SAIB XYUAS COV KEV PAB HAIS TXOG KEV UA RAWX TXOJ CAI

Lub caij nplooj ntoos zeeg tas los no, California cov txwj laus sau kev cai lij choj tau muab lus pom zoo rau ib cov kev cai lij choj tshiab (Welfare and Institutions Code sections 21000-21008) los mus txhais txoj kev muaj neeg pab tus neeg txiav txim (SDM) zoo li ib txoj kev txhawb thiab pab cov neeg laus uas yog neeg xiam oob qhab kom lawv txiav txim tau rau tej yam uas cuam tshuam rau lawv lub neej thiab yeej tsis muaj kev txiav ib tus neeg laus txoj kev txiav txim tus kheej. Nyob hauv cov cai tshiab, Lub Xeev cov txwj laus sau kev cai lij choj tau lees paub hais tias "zoo li cov neeg laus uas tsis yog neeg xiam oob qhab, cov neeg laus uas yog neeg xiam oob qhab yeej siv ntau yam kev pab los pab ua kom lawv nkag siab, kom lawv txiav txim tau, thiab kom paub muab tej yam uas lawv tau txiav txim coj los hais tawm hais tias saib lawv txiav txim li cas." Txoj cai yeej yuav tsum kom SDM tsab ntawv cog lus yog ib tsab uas muab sau ua ntaub ntawv, yog ib tsab uas tus neeg xiam oob qhab yuav mus saib tau, yog ib tsab uas yeej muaj ib cov lus uas yuav tsum tau muaj, thiab yeej muaj txhua yam raws nraim li qhov uas txoj cai yuav tsum kom muaj.

ACRC yeej zoo siab hais tias cov neeg uas peb pab yuav muaj lub cib fim tshiab ntawm no uas nws yuav ua kom lawv muaj kev xaiv thiab kev txiav txim tus kheej ntau ntxiv thaum lawv yuav tau txiav txim rau ib yam dab tsi. Vim peb paub hais tias nws yeej tsis muaj ntaub ntawv los sis kev kawm hais txog tej yam uas California yuav tsum kom muaj los sis yuav tsum kom ua, thiab vim peb xav kom cov neeg uas peb pab muaj lub cib fim ntawm no, thaum lub caij nplooj ntoos hlav tag los no, ACRC thiaj li tau tsa muaj ib pawg neeg hu ua SD Training Workgroup coj los pab tsim thiab npaj muaj kev kawm hais txog SDM. Pawg neeg Workgroup yog muaj cov neeg uas ACRC pab nyob ntawm cov txwj laus Client Advisory Committee, cov neeg sawv cev State Council of Developmental Disabilities, ACRC Client Advocates, nrog rau cov neeg tuav hauj lwm ntawm ACRC's Training and Legal Departments and Executive Management.

Pawg neeg Workgroup yeej tau sib tham txhua hli txij li thaum Lub Tsib Hlis 2023 los lawm uas yog los mus sib tham kom paub cov kev pab/nyiaj txiag uas SDM muaj nyob rau lub sij hawm ntawd thiab los sib tham kom paub hais tias saib cov ntaub ntawv uas yuav tau muab siv coj los qhia yog muaj zoo li cas thiab kom paub hais tias yuav muab cov ntaub ntawv ntawd kho zoo li cas es thiaj li yuav muaj txhua yam raws nraim li qhov uas California yuav tsum kom SDM muaj los sis ua. Tom qab muab cov ntaub ntawv kho tag lawm, pawg neeg Workgroup mam li teem sij hawm thiab mam li muaj kev qhia hais txog SDM tsis tseg rau cov neeg siv qhov kev pab cuam thiab lawv tsev neeg, nrog rau ACRC cov neeg ua hauj lwm, thiab cov neeg nyob hauv lub zej zos, uas lawv yuav siv ntau txoj kev qhia sub txhua tus neeg thiaj li yuav mus koom tau.

## SIERRA COLLEGE YUAV MUAJ IB QHOV KEV SIB SAU RAU KEV NRHIAV HAUJ LWM UA

Thaum pib xyoo 2023, ACRC tau koom tes nrog VMRC los mus tsa cov txwj laus DSP Collaborative rau lub hom phiaj ntawm txoj kev pab rau kev ntiav regional center cov neeg uas lawv yuav mus pab tib neeg. Peb tau tsim muaj ib lub vas sab dspcollaborative.org thiab tau pib muaj cov kev sib sau rau kev nrhiav hauj lwm rau lub chaw regional center cov neeg uas lawv yuav mus pab tib neeg. Thaum peb sib zog khiav cov hauj lwm ntawm no tsis tseg mus ntxiv, peb yeej zoo siab los mus tshaj tawm hais tias, **Sierra College yuav muaj ib qhov kev sib sau rau kev nrhiav hauj lwm rau regional cov neeg uas lawv yuav mus pab tib neeg rau thaum Lub Kaum Ob Hlis, Tim 7, 2023, thaum 10 teev yav sawv ntxov - 2 teev yav tav su.** Qhov kev sib sau yuav muaj nyob rau hauv lub tsev noj mov ntawm lub tsev kawm ntawv loj nyob ntawm 5100 Sierra College Blvd Rocklin, CA 95677. Koj yeej ua tau kom koj paub txhua yam uas ACRC yuav muaj yog koj mus saib ntawm peb phab ntawv qhia txhua yam uas peb yuav muaj nyob ntawm <https://www.altaregional.org/events-calendar>. Koj los yeej mus saib tau nyob ntawm dspcollaborative.org.





## LUS QHUAS COV NEEG UAS PEB PAB - LESLEE



Leslee tau ntxhov siab hais tias nws poob hauj lwm lawm, tiam sis nws yeej xav hais tias txoj hauj lwm uas ntxim rau nws ua tshaj yeej nyob tos nws thiab qhov no yog ib qhov uas pib ntawm Rover, ib lub chaw uas cov neeg yug tsiaj coj los saib yuav nkag tau mus ntiav neeg tuaj zov lawv cov tsiaj. Nws yeej yog ib tus neeg nyiam tu tsiaj thiab nws yeej paub hais tias nws yuav ua tau txoj hauj lwm ua ib tus neeg zov tsiaj zoo. Mob siab, Leslee tau mus sau ib cov lus qhia txog nws rau hauv lub chaw ntawd thiab nws tau nws thawj tus qhua lag luam rau thaum xyoo 2018. Muaj neeg sau lus qhuas txog nws thiab tom qab ntawd nws thiaj li muaj qhua lag luam coob ntxiv.

Kev khiav ib lub lag luam yeej siv sij hawm ntau thiab yeej muaj kev tuav nyiaj txiag; yog li ntawd, Leslee thiaj li tau mus nrhiav kev pab nyob ntawm In Alliance, ib qho kev pab cuam uas tau nyiaj txiag los ntawm lub chaw regional center uas lawv khiav hauj lwm pab cov neeg siv qhov kev pab cuam kom cov neeg muaj txuj ci ua hauj lwm thiab ua lub neej. Nrog qhov kev pab uas nws tau los ntawm qhov kev pab cuam, Leslee tau pib nws lub lag luam, thiab tam sim no nws yeej ua hauj lwm ua ib tus neeg saib xyuas tsiaj puv sij hawm. Nws tau pauv mus siv ib tus kws pab tswv yim nyob ntawm Blue Heron Programs uas tus neeg pab tswv yim ntawd yeej pab Leslee tuav nws cov nyiaj txiag raws li qhov uas Leslee xav tau thiab raws li cov hom phiaj uas Leslee twb txiav txim tag ua ntej lawm. Peb yeej pom hais tias nws khiav tau hauj lwm zoo nyob hauv cov kev pab cuam ntawm no vim hais tias thaum Lub Xya Hli, Blue Heron tau muab lus qhuas hais tias Leslee yog Tus Neeg Uas Ua Hauj Lwm Tau Zoo Tshaj Nyob Rau Lub Hlis Ntawd.

Nws qhia hais tias qhov uas nws nyiam tu tsiaj yog nws tau los ntawm nws ob tus dev, Gorgeous, uas tau nrog nws nyob tau 13 xyoos lawm, thiab Handsome, uas tau tag sim neej rau thaum lub sij hawm muaj kab mob sib kis loj lawm. Zaj dab neeg uas Leslee tau ntsib Gorgeous yeej yog qhov tseem ceeb rau nkawv ob leej tib si. Leslee pom nws nyob hauv ib qhov kev tshaj tawm hauv Craigslist uas tshaj tawm hais tias neeg yuav tsum tau mus txais tus dev no coj los tu ua ntej tus tswv yuav coj nws mus rau ntawm lub chaw kaw tsiaj. Thaum Leslee pom daim duab thiab cia li nyiam tus dev heev, Leslee thiaj li hu xov tooj mus rau tus xov tooj uas muaj nyob ntawm cov lus tshaj tawm, tiam sis tus tswv cia li tsis kam vim hais tias nws ntseeg hais tias Leslee lam dag xwb rau qhov hais tias tus dev no yog ib tus uas muaj peb sab kav ceg xwb.

Tiam sis, Leslee yeej tsis tso tseg thiab nws thiaj li siv qhov nws kawm tau los ntawm cov kev pab cuam hais txog qhov ua tau thiab ua tsis tau thiab kev txuas lus ces nws thiaj li rov qab hu xov tooj mus rau tus tswv dua. Qhov nws tsis tso tseg yog ib qhov zoo thiab Gorgeous thiaj li tau los nyob zoo li ib tus neeg hauv tsev neeg lawm.

Kev saib xyuas tsiaj yog ib txoj hauj lwm uas ua rau Leslee muaj kev zoo siab, thiab nws nyiam qhov uas nws yog tus neeg saib xyuas nws tus kheej ua hauj lwm thiab yog tus neeg uas txiav txim hais tias nws cov qhua lag luam yog leej twg. Nws txoj kev nyiam yeej yog ib yam uas nws ua raws li qhov hais tias ua ib zaug ntxiv. Nws hais rau tus tswv hais tias nws yeej hais tiag tiag hais txog qhov uas nws yuav txais tus dev coj los tu, thiab yeej tsis yog nws lam hais dag thiab nws yeej nyiam txhua yam uas ua rau Gorgeous yog tus dev tsis zoo li lwm tus. Leslee yeej muaj kev hlub tshua txog txhua tus tsiaj uas nws saib xyuas. Cov lus qhuas uas neeg hais rau nws yog qhov pov thawj hais tias Leslee yeej yog ib tus neeg zoo li hais los ntawm no tiag. Yog koj xav ntiav nws los ua tus neeg zov tsiaj, koj yeej hu tau xov tooj ncaj qha mus rau nws ntawm tus xov tooj (916) 755-2724.






# KEV MUS TSHAJ TAWM RAU HAUV LUB ZEJ ZOS KOM NEEG PAUB TXOG COV KEV SIB SAU UAS ACRC YUAV MUAJ YAV TOM NTEJ

Koj puas paub hais tias peb yeej muaj peb ib phab ntawv nyob hauv online uas peb muab siv coj los qhia ACRC cov kev sib sau? <https://www.altaregional.org/calendar>

Qhov no yog ib lub cib fim zoo rau koj los mus nrhiav saib lub sijhawm twg yog lub uas ACRC cov neeg ua hauj lwm yuav muaj cov kev tshaj tawm kom neeg paub nyob hauv koj lub zej zos.

Koj yeej mus nrhiav tau cov duab uas peb yees thaum peb mus koom cov kev sib sau nyob hauv peb cov phab ntawv rau social media.  
<https://www.facebook.com/altacaliforniaRC/>  
[https://www.instagram.com/altacal\\_rc/](https://www.instagram.com/altacal_rc/)  
[https://twitter.com/AltaCal\\_RC](https://twitter.com/AltaCal_RC)






# LUB ROOJ SIB THAM HAIS TXOG TXOJ KEV UA NEEG NYOB UAS MUAJ KEV PAB HAUV XYOO 2023



Supported Life Institute  
presents our:

37th Annual Conference  
**SUPPORTED LIFE 2023**



**Inspiring Unity  
through  
Common Goals and  
Creativity:**

*Empowering All People  
with Developmental Disabilities  
to be Fully Included in the Community*

**Oct. 26 – 27, 2023**

**Wyndham Sacramento**

**"A Place to Train Your Staff  
-- in an Inclusive Environment"**

## LUB KOOM HAUM DISABILITY HOUSING ALLIANCE



Lub Rooj Sib Tham Hais Txog Txoj Kev Ua Neeg Nyob Uas Muaj Kev Pab xyoo no yuav qhia txog cov txwj laus DSP Collaborative, ACRC txoj kev koom tes nrog VMRC thiab peb cov neeg uas lawv mus pab tib neeg uas yog qhov peb yuav muab siv coj los daws cov teeb meem ntawm txoj kev ntiav neeg ua hauj lwm. Ntxiv rau qhov ntawd, ACRC Tus Neeg Saib Xyuas Cov Kev Pab Uas Muaj Nyob Hauv Lub Zej Zos, John Decker yog tus yuav nrog lub koom haum Disability Housing Alliance los mus piav txog txoj kev pab Strengthening Community Housing Advocacy Through Family Partnerships (Kev Ua Kom Muaj Kev Tawm Suab Pab Txoj Kev Muaj Tsev Nyob Nyob Hauv Lub Zej Zos Los Ntawm Txoj Kev Koom Tes Nrog Tsev Neeg).



Los ntawm Dana thiab Andy Faletti uas yog sawv cev Supported Life Institute:

Peb yuav ua li cas es peb thiab li yuav npaj tau cov kev pab zoo thiab thiab li yuav khiav tau hauj lwm zoo coj los pab cov tib neeg uas lawv tawm suab pab lawv tus kheej kom lawv ua tau tiav qhov lawv xav ua thiab kom lawv muaj kev vam meej nyob hauv lub zej zos tam sim no?

Qhov ntawd yog qhov uas peb cia siab hais tias tib neeg yuav kawm tau nyob ntawm "Lub Rooj Sib Tham Uas Tsis Muaj Kev Sib Cai" - Lub Rooj Sab Laj Hais Txog Txoj Kev Ua Neeg Nyob Uas Muaj Kev Pab.

Supported Life Institute Lub Rooj Sib Tham Txhua Xyoo Thaum Lub Caij Nplood Ntoos Zeeg Zaum 37 yog ib qhov kev sib sau tim ntsej tim ua muaj ntev li 2 hnuv, uas yuav muaj rau thaum Lub Kaum Hli, Tim 26 - 27, 2023 nyob ntawm lub tsev so Wyndham Sacramento Hotel.

Zoo txawv Lub Rooj Sib Tham Thaum Lub Tsib Hlis, uas yog ib lub rooj sib tham hais txog kev qhia kom cov neeg paub Tawm Suab Pab Tus Kheej nyob ntawm cov neeg muaj teeb meem zoo li yam li lawv uas feem ntau yeej yog muaj rau cov neeg tawm suab pab tus kheej. Lub Rooj Sib Tham Thaum Lub Kaum Hli ntawm no yog ib lub uas npaj coj los rau Cov Neeg Tuav Hauj Lwm nyob hauv Cov Chaw Tuav Dej Num uas lawv pab cov tib neeg, Regional Center cov neeg ua hauj lwm, Cov Neeg Nyob Hauv Tsev Neeg, thiab cov neeg ua hauj lwm nyob ntawm Lub Xeev Cov Chaw Tuav Dej Num zoo li DDS thiab Department of Rehab.

Lub chaw tuav dej num cov neeg ua hauj lwm yuav kawm ua kiag txoj hauj lwm kom lawv paub hais tias "yuav ua li cas" hais txog kev tsim thiab kev pab ua kom tsis txhob muaj kev sib cai rau cov tib neeg uas lawv mus pab.

Cov ntsiab lus tseem ceeb hnuv no yog txoj kev ua kom muaj Tsev Nyob; muaj Cov Hauj Lwm Zoo Nyob Hauv Lub Zej Zos; muaj cov chaw tuav dej num pab thaum Neeg Muaj Kev Pauv uas siv "HCBS" cov lus tswj; muaj cov kev nrhiav tshiab coj los nrhiav cov neeg ua hauj lwm zoo uas xav ntiav; thiab ntau yam ntxiv los ntawm 4 Tus Neeg Hais Lus, 31 Qhov Kev Kawm rau neeg xaiv, thiab ntau tshaj 8 Yam Kev Kawm, nws yeej muaj ntau ntau yam rau txhua tus neeg kawm.

Yog xav paub cov lus uas qhia meej: [www.supportedlife.org](http://www.supportedlife.org)

Yog xav paub ntxiv txog lub koom haum Disability Housing Alliance, thov mus saib ntawm [disabilityhousingalliance.org](http://disabilityhousingalliance.org).

# LUS QHIA NTXIV TXOG KEV TSIM COV KEV PAB/TSEEM YUAV TSUM TAU MUAB KHO DUA

Cov kev pab uas pauv nyob rau hauv peb lub hlis (quarter) tag los no.

## Cov Chaw los sis Neeg Tshiab Uas Yuav Mus Pab Tib Neeg

### Qhov Kev Pab Cuam Rau Kev Koom Tes Hauv Lub Zej Zos

California Resource Services for Independent Living

### Kev Pib Kho Kab Mob Autism Thaum Tseem Ntxov

Learning Solutions Kids, Inc.

### Kev Pab Rau Kev Hais Lus (Speech Pathology)

Victoria Faszler, SLP

### Tus Kws Kho Neeg Txoj Kev Xav

Deep Insight Psychology, Inc.

### Kev Pab Rau Cov Neeg Uas Lawv Nyob Tau Lawv Tus Kheej

Connections People Services, LLC  
Vinyard Supported Living Services  
Good Life SLS, LLC

### Cov Tsev Nyob Uas Muaj Neeg Tu Hauv Tsev

Celestial Care Adult Facility, LLC  
Padua Care Home  
Abounding Peace III Elderly Care  
Villas One Inc.

### Lub Tuam Txhab Thauj Neeg Mus Los

R&D Transportation

## Cov Chaw los sis Cov Neeg Uas Yuav Tsis Mus Pab Tib Neeg Lawm

### Kev Pab Kho Kom Lub Cev thiab Tej Tes Taw Rov

#### Qab Siv Tau Zoo Li Qub

Family Pediatric Therapy Services  
Perfect Harmony Occupational Therapy  
Sky Break Therapy LLC

### Cov Tsev Nyob Uas Muaj Neeg Tu Hauv Tsev

Tate Family Care

### Kev Muab Tswv Yim Pab Ib Tus Neeg (Counseling Services)

Deni Deutsch Marshall

# LUS PIAV QHIA TXOG IB TUS KWS KOS DUAB UAS PEB TAU XAIV COJ LOS QHIA RAU SAWV DAWS - STEPHANIE DARDON

Stephanie yog ib lub qhov dej uas ua rau neeg pom qhov zoo, xav tau qhov zoo thiab coj cwj pwm zoo. Nws cov duab yeej muaj cov khoom cuam tshuam rau tsiaj thiab cuam tshuam rau txoj kev xav uas tsis muaj tiag. Stephanie muaj ib cov duab thiab muab ib cov duab dai rau neeg saib uas yeej zoo heev li, uas yog ib qhov piv txwv zoo heev ntawm kev muaj lub siab zoo rau cov neeg muaj teeb meem zoo ib yam li nws nyob ntawm NCA no txij li xyoo 2015 los mus. Stephanie yog ib tus neeg paub ob yam lus thiab nws niam muaj 7 tus me nyuam nrog nws. Nws nyiam Super Heroes, tsiaj thiab cov phau ntawv muaj cov duab kos ntau nyob hauv (comic books) Stephanie nyiam kev xav tau ntau lub tswv yim, nyiam tu nws cov qaib (Coconut thiab Pepper) thiab cia siab hais tias nws yuav muaj ib hnub uas Stephanie yuav tau mus ua luam dej nrog cov ntses taub ntswg ntev(dolphins).

Koj yeej mus yuav tau Stephanie cov duab nyob ntawm Neighborhood Center of the Arts ntawm 200 Litton Drive. #212 nyob hauv Grass Valley. Koj los yeej mus saib tau nyob hauv peb lub vas sab nyob ntawm <http://www.ncagrassvalley.org>.

